

新編

志十四之五

十五

					漢書門
			五	二	
		四	〇		
	九	二	八	二	
冊	架	函	號	類	

庫文閣內				
				漢書
			五	〇
		九	二	
冊	架	函	號	類

內閣文庫		
番號	漢	5102
冊數	59	( 14 )
函號	286	75



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



宋史新編卷三十八

志二十四

明帝京戶部主事莆田柯維騏編

職官 三

淺草文庫



殿前司

都指揮使

從二品

副都指揮使

正四品

都虞

候

從五品 宋初沿後周之制置殿前司設都指揮使以

下等職各一人掌殿前諸班直及步騎諸指揮之名籍

凡統制訓練蕃衛戍守遷補賞罰皆總其政令入則侍

衛殿陛出則扈從乘輿大禮則提點編排整肅禁衛鹵

簿儀仗掌宿衛之事後周有都點檢在都指揮使之上

太祖由此受禪遂不復置都指揮使以節度使為之副

都指揮使都虞候以刺史以上充資序淺則曰主管本  
司公事馬步軍亦如之 騎軍有殿前指揮使內殿直  
散員散指揮散都頭散祇候金鎗班東西班散直鈞容  
直及捧日以下諸軍指揮 步軍有御龍直骨朶子直  
弓箭直弩直及天武以下諸軍指揮 諸班有都虞候  
指揮使都軍使都知副都知押班 御龍諸直有四直  
都虞候本直各有都虞候指揮使副指揮使都頭副都  
頭十將將虞候 騎軍步軍有捧日天武左右四廂都  
指揮使從五品捧日天武左右廂各有都指揮使每軍有  
都指揮使都虞候每指揮有指揮使副指揮使每都有

步軍曰副兵馬使步軍曰十將將虞候承勾押官

各以其職隸殿前司按諸班自殿前指揮使而下舊制  
有川班殿直內員僚直開寶中廢又有外殿直熙寧中  
廢其弩手龍旗直招箭班皆隸東西班捧日舊名鐵騎  
太宗改日騎又改捧日自捧日而下曰歸明渤海曰拱  
聖曰驍騎曰寧朔曰龍猛曰神騎曰驍雄曰吐渾直曰  
清朔曰擒戎曰步鬪舊制又有契丹直新立內員僚直  
殿前小底後廢又有驍勝飛猛安慶直三部落吐渾小  
底捧日又有左射捧日鋸直捧日弩手捧日皆熙寧中  
廢諸直自御龍直而下皆以御龍冠之太宗初改簇御

直爲簇御龍直後改御龍直天武舊名控鶴太宗改天武自天武而下曰神勇曰雄勇曰廣德曰廣勇曰廣捷曰雄威曰龍騎舊制又有宣武虎翼神射宣威天武又有寬衣天武鋤直天武左射天武皆熙寧後廢諸班直專扈從員額無多捧日天武而下指揮分布中外多者至四十員熙豐頗省併中興亦有異同諸班增銀鎗班茶酒舊班茶酒新班捧日而下增選鋒軍神策選鋒軍左翼軍右翼軍摧鋒軍遊奕軍前軍右軍中軍左軍後軍護聖馬步軍天武而下增勝捷威勝威捷全捷前軍右軍中軍左軍後軍其都指揮間虛不除則以主管殿前司一員任其事又立統制統領分任之而都虞候不復置屬有幹辦公事十管禁衛二員準備差遣準備差使點檢醫藥飯食各一員書寫機宜文字一員侍衛司設官倣此大抵渡江草創三衛之制未備然宿衛彪士與在外諸軍同名又遙帶外路總管鈐轄皆非舊典乾道中洪邁議正三衛軍制改諸軍爲諸廂改都統制以下爲都虞候指揮使有事命將則旋立總管鈐轄各將所部以出要使宿衛之職預有等差士卒之心明有所繫異時拜將必無一軍皆驚之舉於以銷壓未萌循名責實雖環衛不置可也時不果行淳熙以後四廂之職

多虛而殿司職司有權管幹有時暫照管之號愈非乾道以前比矣

侍衛親軍馬軍

都指揮使

副都指揮使

俱正五品

都

虞候

從五品

各一人掌馬軍諸指揮之名籍所總政令

如殿前司所領馬軍自龍衛而下有左右四廂都指揮使龍衛左右廂各有都指揮使每軍有都指揮使都虞候每指揮有指揮使副指揮使每都有軍使副兵馬使十將將虞候承勾押官各以其職隸馬軍司宋初沿五代之制置侍衛馬步軍共一司其職比殿前司尤崇淳化元年傳潛自殿前副都指揮使咸平三年王超自殿

前都指揮使皆遷侍衛親軍馬步軍都虞候自王超職無復任者而侍衛司馬軍步軍遂分為二并殿前號三衙而馬步二軍自是居殿前司之下龍衛舊名龍捷太宗改焉自龍衛而下曰驍捷曰雲騎曰武騎曰驍武曰廣銳曰雲翼曰有馬勁勇曰廳子曰無敵曰克勝曰飛騎曰威遠曰克戎曰萬捷曰雲捷曰橫塞曰蕃落曰并州騎射曰有馬雄略曰崇捷曰崇銳曰清澗騎射曰員僚刺員直舊制又有八員僚直在龍衛之上元豐中廢龍衛而下又有忠益敬良驍銳飛捷騎捷驍駿忠銳威邊清塞武清有馬安塞歸明神武馬龍衛又有錕直

龍衛左射龍衛及帶甲剩員皆熙豐中廢諸指揮分布  
中外多者至百無豐頗省併中興亦有異同廢并州  
騎射有馬雄略三捷銳捷增前軍右軍中軍左軍後軍  
若乃諸路廂兵馬軍自騎射而下其名凡五十各置指  
揮亦屬侍衛馬軍司前後增損不能悉載

侍衛親軍步軍 都指揮使 副都指揮使俱正五品 都

虞候從五品 各一人掌步軍諸指揮之名籍所總政令

如殿前司所領步軍自神衛而下有左右四廂都指揮  
使神衛左右廂各有都指揮使每軍有都指揮使都虞  
候每指揮有指揮使副指揮使每都有都頭副都頭千

將將虞候承勾押官各以其職神衛舊名虎

捷太宗改焉自神衛而下曰虎翅曰奉節曰步武曰武  
衛曰雄武曰神銳曰振武曰新立弩手曰威猛曰雄勝  
曰歸恩曰澄海弩手曰神虎曰保捷保捷曰捉生曰清邊弩  
手曰制勝曰定功曰青澗曰平海曰効忠曰川効忠曰  
宣毅曰建安曰威果曰効順曰揀中雄勇曰懷順曰歸  
聖曰順聖曰懷恩曰勇捷曰威武曰平塞弩手曰忠勇  
曰寧遠曰忠節曰神威曰歸遠曰雄略曰招收曰壯勇  
曰橋道曰清塞舊制又有飛虎來化懷勇威寧建威揀  
中懷愛靜戎弩手宣毅床子弩砲手神衛又有水軍皆

熙寧中廢諸指揮分布中外多者至一百八十員熙豐  
頗省併若崇武崇威敢勇靖安廣固通濟清衛刀牌手  
則崇寧以來所置也中興亦有異同雄武加平海字澄  
海弩手加水軍字以廂軍勁勇力壯武靜江隸步軍廢崇  
武以下六軍增振華安遠奉先八圍武寧威勇忠果雄節  
必勝前軍右軍中軍左軍後軍若乃諸路廂兵步軍自  
武和而下其名凡二百二十有奇各置指揮亦屬侍衛  
步軍司前後增損不能悉載云

環衛 左右金吾衛上將軍從三品 大將軍正四品 將

軍從四品 中郎將

左右衛上將軍從三品 大將軍正四品 將軍從四品 中

郎將

左右驍衛上將軍從三品左右 大將軍正四品左右

將軍從四品左右 武衛以下同

左右武衛上將軍 大將軍 將軍

左右屯衛上將軍 大將軍 將軍

左右領軍衛上將軍 大將軍 將軍

左右監門衛上將軍 大將軍 將軍

左右千牛衛上將軍 大將軍 將軍 中郎將 郎

將 自左右金吾以下將軍以上並為環衛官無定員

宋史新編卷三十一

悉命宗室為之亦為武臣贈典大將軍以下又為武臣  
 責降散官蓋禁兵分隸殿前侍衛司故十六衛諸將軍  
 皆虛銜無職掌政和嘗改武臣官制而環衛如故靖康  
 元年詔以節度使錢景臻等為左右金吾衛上將軍用  
 陳過庭言遵藝祖罷王彥超等歸環衛故事也中興環  
 衛多闕孝宗謂非祖宗儲材均任之制復置十六衛以  
 方鎮兼領如節度使則領左右金吾衛上將軍承宣使  
 則領左右衛上將軍在內則兼在外則否以十員為額  
 宗室不在此制嘉泰中申明隆興之詔屏除貪得妄進  
 以重環衛之任嘉定二年以臣言專以曾為兵將有

及名將子孫有才略者皆儲材之意也初崇寧

四年二月倣古制立三衛曰親衛曰勳衛曰翊衛三衛  
 置郎一員中郎為之貳文武各一員博士二員主簿一  
 員親衛府勳衛府各置郎十員中郎十員翊衛府郎中  
 郎各二十員文武各四十員用外戚勳舊及刺史團練  
 之子孫分充其三衛郎治府事日率屬分直殿陛長在  
 左立起居郎之前貳分文武為東西立都承旨之後親  
 衛立殿上兩傍勳衛立朶即翊衛立兩階衛士之前五  
 年正月罷

皇城司 卽漢之羽林唐之北衙也舊號武德司太平



興國改馬幹當官七人以武功大夫以上及內侍都知  
神班充掌宮城出入之禁令凡周廬宿衛之事宮門啓  
閉之節皆隸焉凡臣僚朝覲上下馬有定所自宰相親  
王以下所帶人從有定數揭榜以止其喧闐所隸官屬  
有藏冰務紹興二年改行官禁衛所為行在皇城司提  
舉官一員提點官二員幹當官五員後又詔皇城司依  
祖宗法不隸臺察

御前忠佐軍頭引見司 宋初但曰軍頭引見司端拱  
元年改軍頭司為御前忠佐軍頭司引見司為御前忠  
佐引見司軍頭司掌崇班供奉及諸州駐泊捕捉之事

引見司掌軍頭名籍諸軍搜閱引見之事中興以後  
官幹辦官並以閣門官充紹興三十二年詔知閣官  
兼則稱提點宣贊舍人閣門祇候兼則稱幹辦乾道三  
年詔提點幹辦共以四員為額

客省使 從五品 副使 從七品 使副各二人掌國信使見  
辭宣賜及四方進奉四夷朝覲貢獻之儀受其幣而賓  
禮之掌其饗餼飲食客省使與引進使四方館使東西  
上閣門使皆為武臣崇秩其供職于內者多用國戚世  
族禮均侍從云

引進使 從五品 副使 從七品 使副各二人班四方館上

使闕則客省四方館互兼管于臣僚蕃國進奉禮物之事  
元豐七年詔客省四方館使副領本職外秩高者一人  
兼領閣門事靖康元年詔客省引進司四方館西上閣  
門為殿廷應奉與東上閣門一同隸中書不隸臺察  
四方館使 掌文武官及諸道慶賀起居章表受而進  
之國初用檢校官判後置使二人建炎初以客省四方  
館併歸東上閣門

東上閣門 西上閣門 使 正六品 副使 從七品 宣贊

舍人 從七品 祗候 從八品 閣門掌朝會宴幸供奉贊相

禮儀之事若慶禮奉表則東上閣門主之慰禮進名則

西上閣門主之使各三人 副使各二人竝以處勳戚通  
事舍人十人祗候十有二人非熟於朝儀者不預此選  
宋制以舍人祗候號閣職 與文臣館職均為儲養賢才  
云元祐元年詔客省四方館閣門竝以橫行通領職事  
政和改橫班使副之名為大夫命內外官為知閣又改  
通事舍人為宣贊舍人 康初監察御史胡舜陟言閣  
門之職祖宗所重員數有限今舍人一百八員祗候七  
十六員看班四員內免職者二百二員由宦官恩倖以  
求財朱勛父子交賣尤多富商豪子往往得之乞賜裁  
省乃詔立員額建炎初以知閣兼客省四方館紹興五

年詔右武大夫以上並稱知閣門事兼客省四方館事若官未至右武大夫即稱同知同兼序知閣之下其後舍人祇候裁定以四十員為額乾道中倣儒臣館職之制召試中書然後命之淳熙間增重薦舉閣門祇候之制必廉幹有方略善武藝云兩任親民無遺闕及曾歷邊任者充慶元初申嚴閣門長官選擇其屬之令非右科前名之士不預召試蓋庶幾復祖宗之舊焉

帶御器械 宋初選三班以上武幹親信者佩橐鞬御劔或以內臣為之初名御帶咸平改為帶御器械景祐中以六員為限慶曆詔以歷任有邊功者充中興初諸將在外多帶職蓋假禁近之名為軍旅之重其後增置四員近侍亦或得之淳熙以後其職益加重焉

入內內侍省 內侍省 宋初有內中高品班院及內班院太宗真宗改定曰入內內侍省曰內侍省兩省號為前後省而入內省尤為親近通侍禁中役服褻近者隸入內內侍省供侍殿中備洒掃之職役使雜品者隸內侍省入內內侍省有都知副都知押班俱正六品內東頭供奉官內西頭供奉官俱從八品內侍殿頭內侍高品俱正九品內侍高班內侍典門俱從九品內侍省有左班都知副都知右班都知副都知押班俱正六品其供奉官以下職

名竝同入內內侍省自以奉官至黃門以二百八十人  
 為定員凡內侍初補曰小黃門經恩遷補則為內侍黃  
 門遷至都都知遂為內侍之極品其官稱則有內客省  
 使延福宮使俱從五品宣政使宣慶使昭宣使俱正六品元豐議  
 改官制張誠一欲易都知押班之名置殿中監以易內  
 侍省既而宰執進呈神宗曰祖宗為此名有深意豈可  
 輕議政和二年遂易官名而黃門之名如故詳見後其  
 屬有御藥院勾當官四人以入內內侍省充往來國信  
 所管勾官二人以都知押班充後苑勾當官無定員以  
 內侍充掌池沼臺殿種藝雜飾以備遊幸造作所掌造  
 作禁中及皇屬婚娶之名物龍圖天章寶文閣勾當官  
 四人以入內內侍充掌藏祖宗文章圖籍及符瑞寶玩  
 之物而安像設以崇奉之合同憑由司監官二人掌禁  
 中宣索之物給其要驗內東門司勾當官四人以入內  
 內侍省充掌宮禁人物出入而譏察之軍頭引見司勾  
 當官五人以內侍省都知押班及閣門宣贊舍人以上  
 充掌供奉便殿詳見前翰林院勾當官一人以內侍押  
 班都知充總天文書藝圖畫醫官四局凡執伎以事上  
 者皆在焉中興以來深懲內侍用事之弊禁前後省使  
 臣不得與兵將往來內侍官不得出謁及接見賓客紹

興末汰冗費併內侍省歸入內內侍省舊制內侍遇聖節許進子年十二試墨義中程者候三年引見供職孝宗卽位罷會慶節進子仍定以二百人為額乾道間以差赴德壽宮應奉闕人增至二百五十人紹熙三年依宰臣奏中官只令承受宮禁中事不許與聞他事

開封府 牧從二品諸府 尹從三品 少尹 判官

推官俱從六品 司錄參軍正七品 功曹參軍 倉曹參軍

戶曹參軍 兵曹參軍 法曹參軍 士曹參軍俱正八品

宋承五代都汴故開封為京府掌以教法導民而勸課之中都獄訟凡受而聽焉小事則專決大事則果

奏若承旨已斷者刑部御史臺母輒糾察大禮橋道頓遞則為之使仗內奉引則差官攝牧牧尹少尹不常除太宗真宗皆嘗為尹自至道後為知府者必帶權字額一人以待制以上充推判官四人司錄通書六曹之案牒并六曹參軍各一人又有左右軍巡使判官各二人正八品左右廂公事幹當官四人崇寧三年蔡京奏乞罷權知府置牧一員尹一員專總府事少尹二員分左右為之貳牧以皇子領尹以文臣充以士戶儀兵刑工為六曹次序增置司六曹事員額開封祥符兩縣置案倣此而易其胥吏之稱略依唐六典之制又請移府治所

於舊尚書省從之五年詔開封官屬參軍等竝依舊員  
額大觀二年詔天下州郡竝依開封府分曹置椽政和  
又置主管架閣官一員

臨安府 中興駐蹕杭州改為臨安府是為行都故職  
掌與開封同尹少尹不常除置知府一人通判二人其  
屬有簽書節度判官廳公事節度推官觀察推官觀察  
判官錄事參軍左司理右司理司戶司法參軍各一人  
城外內分南北左右廂各置廂官以聽民之訟訴分使  
臣十員以緝捕在城盜賊立五酒務置監官以裕財用  
分六都監界分差兵一百八十鋪以巡防煙火置兩總

受御前朝旨文字置案如崇寧開封之制乾道七

皇太子領臨安尹就東宮為解廢通判簽判置少尹  
判官推官少尹依淳化差侍從以上判官依天聖用郎  
官以上餘曹掾依舊九年皇太子辭臨安尹其知通簽  
推判官竝復置

河南應天府 河南府為西京應天府為南京故設官  
略與開封府同其職掌亦同牧尹少尹不常除闕則置  
知府事一人通判一人判官推官各一人其屬有司錄  
尹曹法曹士曹參軍士曹或蔭敘起家不常置助教有  
特恩而授者不釐務使院不職左右軍巡悉同開封

次府 次府如興元京兆河中江陵等府是也牧尹少  
尹不常除真宗時以楚王元佐為興元牧後以為江陵  
牧自餘無為者尹以下所掌並同開封府尹闕置知府  
一人通判一人其屬有司錄戶曹法曹士曹司理文學  
助教使院牙職並同開封

節度使從二品

宋初無所掌其事務悉歸本州知州通

判兼總之亦無定員太祖以節度使受禪特重其選升  
其班於六曹侍郎之上恩數與執政同初除鎮院降麻  
其禮尤異以待宗室近屬外戚國壻年勞又次者若外  
官除殿帥始授此官亦止於一員或有功勳顯著任帥

於外及前宰執拜之尤不輕授又遵唐制以節度使

中書令或侍中或山下書門下平章事謂之使相以待

勳舊及宰相又次罷政者隨其舊職或檢校官加節度  
使出判大藩通謂之使相自使相復除宰執罷節度使  
還舊官慶曆中夏竦自使相入樞密仍帶節度使非常  
例也元豐改使相為開府儀同三司其後檢校太傅韓  
絳判大名以鎮江軍節度使為開府儀同三司太師平  
章軍國重事文彥博致仕為開府儀同三司充護國軍  
山南西道節度使左僕射蔡京亦為儀同三司安遠軍  
節度使然則節度使之名未嘗廢也宣和末節度使六

十人宦者童貫梁師成預焉中興諸將有兼兩鎮三鎮

者紹興中曹勛韓公裔乾道中曾覲嘉泰中姜特立譙

令雍皆以攀附恩得之其俗屬有節度副使行軍司馬

俱從亦沿唐制但不釐務口為大臣責降散官

承宣使正四品宋沿唐制七鎮置節度觀察留後政和

七年改為承宣使宋初留後及觀察使並不得本州刺

史大中祥符七年始檢討以故事命兼領之凡承宣使觀

察使防禦使團練使刺史無定員落階官者為正任帶

階官者為遙郡朝謁御宴惟正任預焉遙領者並止本

官致遷政和中詔承宣觀察使仍不帶持節等按節度

在唐為閩帥觀察團練使在唐為監司防禦使在唐

為邊將刺史在唐為郡守至宋則閩帥監司邊將郡守

各別置官稱而節度承宣觀察團練防禦刺史俱無職

任特以為武臣遷轉之次序云

觀察使正五品語見前篇

防禦使從五品副團練使從五品副諸州刺史從

品唐防禦使在團練使之下宋陞之於上橫行諸司

使帶遙郡防禦者或年勞至深或邊功優異即落遙郡

為正任其外官初除管軍即帶正任刺史隨其人見帶

遙郡就除之欽宗受禪臣僚言遙郡正任恩數遼絕自



遼郡遷正任者合次第轉行今乃直超本等正官是皆  
姦巧躡取乞應遙郡承宣使除正任者只除正任刺史  
從之事互見前篇

大都督府 都督府 大都督府在上府之上如兗徐  
潞陝揚杭越福諸州是也大都督及長史掌司牧尹不  
常除只以命諸王之建節者親王爲節度則大都督領  
之庶姓爲節度則長史領之太宗時吳王越王建節以  
大都督府長史繫銜張洎言其誤後遂改爲大都督語  
在洎傳大都督長史闕則置知府事一人通判一人左  
右尚馬不釐務其屬有錄事參軍司戶司法司士司理

文學參軍助教凡都督州建官如上南渡後以見任  
相充都督次有同都督有督視軍馬多執政爲之雖名  
稱略同然掌總諸路軍馬督護諸將與舊制殊非宰執  
爲都督自楊存中始王之望辭同都督有曰朝廷於兩  
淮前以二大將爲招撫使後以二從臣爲宣諭使憂其  
不相統攝則以宰相爲都督欲事權一歸一也此可以見  
朝廷開府之意設屬諮議軍事參謀參議並以從官充  
書寫機宜文字幹辦官準備差遣前後員數不一  
宣撫使 副使 判官 使掌宣布威靈撫綏邊境及  
統護將帥督視軍旅之事而副使爲之貳判官爲之贊

皆因事而後置使以執政充若前宰相為宣撫者渡江  
後惟李綱呂頤浩朱勝非三人紹興初劉光世以使相  
宣撫淮南武臣非執政為宣撫自光世始文臣非執政  
為宣撫自李光始亦有身為正使兼領副使者如安丙  
於四川是也亦有不置使而置副者如胡世將於川陝  
岳飛於荆襄楊沂中於淮北是也若宣撫判官熙寧中  
直舍人呂大防嘗為之實上幕也紹興十年楊沂中以  
太尉為淮北宣撫副使劉錡以節度使為判官禮抗權  
灼猶轉運使副判官之比宣撫司之屬又有參謀參議  
兼宣撫辦公事等官

安撫使 掌一路兵民之事干機速邊防  
於罪聽以便宜裁斷帥臣任河東陝西嶺南路職在綏  
御戎夷則為經略安撫使兼都總管以統制軍旅所以  
重帥權而服羌夷也有屬官典領要密文書奏達機事  
若河北及近地則使事止於安撫而已凡屬官有幹當  
公事主管機宜文字準備將領準備差使東都以前諸  
路安撫或以侍從或以執政或以知州兼必曾歷侍從  
乃得兼品卑者稱主管某路安撫司公事中興以後守  
臣職名崇者皆可兼使如二品以上即稱安撫大使凡  
帥府皆帶馬步軍都總管李綱建議於沿河沿淮沿江

置帥府以文臣爲使武臣爲副淳熙中揚州廬州荊南襄陽金州興元興州分爲七路每路委文臣一人充安撫以治民武臣一人充都總管以治兵諸路帥府倣此慶元以後惟廣東西兩路帶經略使

走馬承受 諸路各一員仁宗時置以三班使臣及內侍充隸經略安撫總管司無事歲一入奏有邊警則不時馳驛上聞政和六年改爲廉訪使者多侵監司凌州縣而預軍旅刑政之事靖康初復舊制爲走馬承受

宣諭使 掌宣諭德意不預他事歸卽結罷紹興元年監傳崧年充准宣諭使此其始也其

或以二府充使權益重而使事始不專虞允文王之相繼宣諭川陝皆預軍政其權任殆於宣撫將矣

招討使 掌收招討殺盜賊之事不常置建炎四年以節度使張俊充江南路招討使位在宣撫使之下制

置使之上許便宜行事其隨軍轉運使及參議官幹辦官隨軍幹辦官書寫機宜文字並聽奏辟紹興五年岳

飛爲湖北襄陽招討使州縣不法害民者許一面對移或放罷以聞從之二十一年陝西河東北京東西等

路皆置招討使蓋又特遙領其地而已  
制置使 掌經畫邊鄙軍旅許便宜行事不常置政和

東坡志林卷三十一  
中興秦用兵內侍童貫嘗爲之仍兼經略使中興置使  
掌本路諸州軍馬屯防扞禦多以安撫大使兼亦以統  
兵馬官充地重秩高者加制置大使位宣撫副使上或  
置副使貳之後又詔諸路帥臣罷制置使之名惟統兵  
官如故隆興以後或置或省開禧間江淮四川並置大  
使休兵後獨成都守臣帶四川安撫制置使掌節制御  
前軍馬官員升改放散類省試舉人銓量郡守舉辟邊  
州守貳其權略視宣撫司惟財計茶馬不預又存沿海  
制置使以明州守臣領之其職止肅清海道節制水軍  
非四川比大使置屬有參議主管機宜書寫文字

各一人幹辦公事二人準備將領差遣差使各五人餘

隨時增損

鎮撫使 舊所無有建炎中范宗尹爲相欲假權宜以  
收羣盜請稍復藩鎮之制於是淮南京東西兩南北諸  
路並分爲鎮除茶鹽之利仍歸朝廷置官提舉外他監  
司並罷上供財賦權免三年餘聽帥臣移用更不從朝  
廷應副軍興聽從便且時劇盜李成在舒蘄桑仲在襄  
鄧郭仲威在揚州許慶在壽郵皆卽以爲鎮撫使其餘  
以處歸朝之人分畫不一許以能扞禦外寇顯立大功  
特與世襲官屬有參議官書寫機宜文字各一人幹辦

公事二人竝聽奏辟久之諸鎮或戰死或此降但餘荆南解潛及趙鼎為相召潛主管馬軍遂罷弗置

招撫使 不常置南渡後張所劉光世成閔張子蓋李顯忠皆相繼為諸路招撫使竝未久而罷開禧以後復置亦旋罷

撫諭使 掌慰安存問採民之利病條奏而罷行之亦不常置建炎初金兵初退遣大臣撫諭京城士庶撫諭置使自是始其後或不以使名則稱撫諭官所至以某州撫諭司為名乾道元年知閣門事龍大淵差充兩淮撫諭軍馬回日結局是又特為軍馬出云

留守 副留守 自太祖以來巡守親征則命親王或大臣總留守事是為東京留守其西南北三京留守各一人以知府兼之留司掌宮鑰及京城守衛修葺彈壓之事畿內錢穀兵民之政皆屬焉南渡初東京北京竝置留守以開封大名知府兼又以掌兵官為副留守其後復河南又置南京西京留守又武林建鄴竝置行宮武林視東京而建鄴視三京焉孟庚為行宮留守奏差官屬有主管書寫機宜文字幹辦準備差遣差使又有使臣五十員又置留司臺官一員後秦檜授為例

總領 掌措置移運應辦諸軍錢糧以朝臣充號曰外

司農南渡初嘗命朝臣總領都督府宣撫司財賦建炎  
末張浚用趙開總領四川財賦置所繫銜總領名官自  
此始紹興十一年收諸將兵改爲御前軍分屯諸處乃  
置三總領仍帶專一報發御前軍馬文字蓋又使之預  
聞軍政不獨職餉餽而已序位在轉運副使之上十五  
年復置四川總領與淮東淮西湖廣共四總領所其官  
屬有幹辦公事準備差使四川增主管六字一人又各  
有分差糧料院審計院淮東西審計司以通判權湖廣  
以通判兼四川以屬官兼又各有大軍倉大軍庫淮東  
西湖廣又各有御前封樁中仗庫贍軍酒庫淮東西又

有權貨務都茶場市易抵當庫惠民藥局湖廣又有給  
納場四川又有撥發船運官贖藥庫糴買場

發運使 副使 判官 掌經度山澤財貨之源漕淮

浙江湖六路儲廩以輸中都而兼制茶鹽泉寶之政及  
專舉刺官吏之事宣和二年方臘初平江浙諸郡皆未  
有常賦乃詔陳亨伯以大漕之職經制七路財賦許得  
移用監司聽其按察於是亨伯收民間印契及鬻糟醋  
之類爲錢凡七色是後州縣有所謂經制錢自亨伯始  
紹興初省罷以職事分委漕臣後廢置無常至乾道六  
年竟廢

都轉運使 轉運使 副使 判官 掌經度一路財

賦察其登耗有無以足上供及郡縣之費歲行所部檢

儲積稽帳籍凡吏蠹民瘼悉條以上達及兼平反獄訟

專舉刺官吏之事國初但掌軍須餽餉太平興國以後

始總治一路為監司之任至道中詔曰天下物宜民間

利病惟轉運使得以周知令更互赴闕延見詢問焉祥

符詔轉運使副不限官品並在提點刑獄之上慶曆三

年詔諸路轉運使並兼按察使多務刻深凌轢州縣窘

辱大臣五年遂罷兼職祖宗時凡自兩省以上大臣除

者則為都轉運使若王師征討則置隨軍轉運使事

或侍南渡軍興或令本漕隨軍移運或別置隨軍轉

運或諸路事體當合一則置都轉運使總之隨軍及都

運亦不常置其屬有主管文字幹辦官文臣準備差遣

武臣準備差使

提點刑獄公事 掌糾察所部獄訟及舉刺官吏之事

乃監司之任也淳化二年置以朝臣充後罷歸轉運司

景德復置增武臣為副以開州祇候以上充天禧改為

提點刑獄勸農使天聖以後廢皆隨復雖去勸農而

盜賊軍器河渠保甲封樁錢穀之類悉總之嘉祐三年

詔吏人伎術毋得提點刑獄以三有以賄敗者神宗

詔吏人伎術毋得提點刑獄以三有以賄敗者神宗

詔吏人伎術毋得提點刑獄以三有以賄敗者神宗

亦謂武臣罕習吏文不足  
臣宣和諸路盜起詔增置武提刑一人建炎四年罷乾  
道六年諸路復置其後武憲稍橫遂不復除只除朝臣  
一人其屬有幹辦公事檢法官

提舉常平司 提舉茶鹽司 仁宗以前常平倉隸轉

運司以所部官專領熙寧以後始置諸路提舉常平官  
所掌常平義倉免役市易坊場河渡水利之法仍專舉

官吏之事其茶鹽國初以隸發運司元豐間或以常  
平官或以漕臣或以憲臣兼領政和以後始置諸路提

舉茶鹽官所掌給賣茶鹽鈔引通商阜財以佐國用凡  
給之不如期鬻之不如式與州縣之不加恤者皆劾以

常平茶鹽兩司各有幹官中興常平司罷置不常或  
別設經制司或以隸提刑紹興十五年乃改諸路提舉

茶鹽官為提舉常平茶鹽公事於是兩司合而為一川  
廣無茶鹽則以常平隸提刑仍詔提舉官依舊法為監

司  
都大提舉茶馬司 舊制市馬在原渭德順三郡熙寧

復熙河命李杞等於成都買茶熙河路博馬並令杞等  
提舉置都大提舉及主管同主管各因其資品高下除

授而杞遂兼馬政後分合不一至元豐中言者慮茶司



害馬政乃詔併茶場買馬合為一司南渡紹興四年始命四川宣撫司支茶博馬七年依故事置茶馬官嘉定後分為兩司文臣成都主茶武臣興元主馬其屬有幹辦公事準備差使

提舉坑冶司 掌收山澤之所產及鑄泉貨以給邦國之用國初凡鑄錢監係發運使兼提點咸平三年以副漕加兼都大提點又以內供奉官同提點景祐二年始置江浙川廣福建等路都大提點一員與提點刑獄敘官元豐二年始增一員分路提點遂定為兩司在饒者

江東淮浙七閩在虔者領江西荆湖二廣紹興五年

或謂加都大於提點之上事權太重於是省併歸逐轉運司措置仍置提領諸路鑄錢官一員於行在以待從官充自此或復或罷或去都大或仍加都大不一其屬有幹辦公事檢踏官催綱官

提舉市舶司 掌蕃貨海舶征權貿易之事以來遠人通遠物國初有廣州杭州明州市舶司以州郡兼領元豐始以轉運兼提舉後泉州亦置市舶司三路各專置提舉官或罷或復不一乾道初言者謂兩浙提舉冗蠹乃罷歸轉運司惟閩廣不廢

提舉學事司 掌一路州縣學政歲巡所部以察師儒

之優劣生員之勤惰而專舉刺之事崇寧二年置宣和三年罷紹興中禮部言知建昌軍李長民奏宣和以前應知通令佐階銜並帶主管學事自軍興以來中輟今欲依舊法從官以上知郡帶提舉學事餘郡知通以下並帶主管學事從之淳熙中罷郡守帶學事

提點開封府界諸縣鎮公事 掌察畿內縣鎮刑獄盜賊場務河渠之事

提舉河北糴便司 掌糴便芻糧以供邊儲之用  
提舉制置解鹽司 掌鹽澤之禁令使民入粟塞下予

制邊防財用司 掌經畫錢帛芻糧以供邊費熙寧

熙河連歲用兵仰給度支費用不貲始置是司元祐罷崇寧復置提舉兵馬提轄兵甲皆以守臣兼

提舉保甲司 掌什伍其民教之武藝元豐置于開封府界下其法河北河東陝西三路既而悉置提舉官

提舉二白渠公事 掌潞泄以給關中灌溉之利  
提舉弓箭手 掌沿邊郡縣射地弓箭手之籍及團結

訓練賞罰之事政和復置以所招弓箭手之數為殿最撥發司 輦運司 掌以時起發綱運而督其淹留以

供京師之用

府州軍監 太祖思革藩鎮跋扈之弊謀於趙普乃召諸鎮節度會京師賜第留之分命朝臣出守列郡號權知軍州事軍謂兵州謂民政其後文武官參爲知州軍事二品以上及帶中書樞密院宣徽使職事稱判太守掌總理郡政宣布條教導民以善而糾其姦慝歲時勸課農桑旌別孝悌其賦役錢穀獄訟及賑恤之事兵民之政皆總焉所屬得保任材能按劾其不法不勝任者若西南北三京知府兼留守司事其次州郡兼經略安撫使馬步軍都總管又其次去經略又其次兼安撫使或兵馬巡檢各因其地望之高下與職務之

太祖初教坊使衛德仁求外官且援同光故事請

太祖曰莊宗失政豈可效耶宰相擬州司馬太祖曰上佐士人所處此輩但當於樂部遷轉耳嘉祐三年詔勿用吏人伎術神宗慮武臣不堪任置審官西院磨勘之嘗曰朕思祖宗百戰得天下今以一州生靈付庸人常痛心疾首中興參用文武極邊控扼地仍差武臣其要郡詔帶鈐轄次帶都監未幾罷乾道四年臣僚言天下之事必歷而後知試而後見爲縣令者必爲丞簿爲郡守者必爲通判爲監司者必爲郡守詔從其議

通判 掌倅貳郡政所部官得刺舉以聞太祖懲五代

藩鎮之弊既下湖南始置諸州通判以郎官以上充詔知府公事並須長史通判連書方許行下大郡二人餘一人不及萬戶不置武臣知州雖小郡亦置廣南小州有試秩通判兼知州者元祐初詔知州係帥臣通判不得同管公事南渡設官如舊入則貳政出則按縣有軍旅則專糧餉之責

幕職官 簽書判官廳公事 節度觀察防禦團練軍

事推官判官 節度掌書記 觀察支使俱從八品 掌裨

贊郡政總理諸案文移斟酌可否以白于其長而罷行之州大小員數不一政和改簽書判官廳公事為司

之州大小員數不一政和改簽書判官廳公事為司

之州大小員數不一政和改簽書判官廳公事為司

之州大小員數不一政和改簽書判官廳公事為司

之州大小員數不一政和改簽書判官廳公事為司

之州大小員數不一政和改簽書判官廳公事為司

之州大小員數不一政和改簽書判官廳公事為司

之州大小員數不一政和改簽書判官廳公事為司

之州大小員數不一政和改簽書判官廳公事為司

之州大小員數不一政和改簽書判官廳公事為司

之州大小員數不一政和改簽書判官廳公事為司

之州大小員數不一政和改簽書判官廳公事為司

之州大小員數不一政和改簽書判官廳公事為司

宋史新編卷三十一

三十一

校輕視人命開寶六年詔州府並置司寇參軍以諸科  
賜第及選人充後改司理參軍政和三年錄事諸曹並  
去參軍字曰司錄事曰司某曹事中興曹掾依舊注選  
惟司理司法注經任及試中刑法人州佐又有別駕長  
史司馬俱正九品司士文學助教俱從九品並鮮除人

教授 宋初學徒講誦有廬山白鹿洞太平興國二年以知江州周述

講賜嵩陽書院至道二年賜院額及印本九經嶽麓書院咸平四年以

允則奏下國子監降釋文等書應天府書院國初戚同文授徒後無能

書院詔以曹誠為助教賜院額四書院外又有茅山書院時猶未建州

學也乾興初兗州守臣孫奭建學聚徒乞請大學助教

李光輔充本州講餘鎮猶未置學也景祐四年始置

鎮立學慶曆四年始詔州軍監各立學置教授訓導諸

生掌其課試而糾正不如規者委運司及長吏於幕職

州縣內薦或本處舉人有德藝者充熙寧六年詔諸路

學官委中書門下選差至是始命于朝廷若試教官則

始於元豐添差教授則始於政和

縣令兩赤縣令正七品餘縣令從八品總治民

政課農桑平獄訟凡戶口賦役錢穀振濟給納之事皆

掌焉有孝悌行義聞鄉閭者上于州激勸之令三年一

注畿內縣為赤為畿天下縣四千戶以上為望三千為

繁二千為上千為中不滿千為下開封祥符則為赤縣之首若京朝幕官宰縣號知縣事有戍兵則兼兵馬都監或監押政和以來人皆重內輕外而吏部兩選不注縣令者甚多建炎多差武臣紹興詔專用文臣然沿邊溪洞處仍許武臣指射又詔自今不歷縣令者勿除監司郡官不歷外任者勿除侍從著為令乾道以後縣令定以三年為任仍非兩任不除監察御史初改官人必作縣謂之須入淳熙中詔特奏名人毋授知縣縣令慶元中詔除殿試上三人南省元外並作邑後又命大理評事已改官未歷縣人並令次著為令

**縣丞**兩赤縣丞正八品餘縣丞俱從八品主簿尉兩赤縣簿尉俱從八品尉京畿縣及三

京赤縣簿尉俱從九品掌貳縣政天聖中始於開封祥符兩赤縣置丞一人皇祐中詔赤縣丞并除新改官

人熙寧行新法凡繁劇縣各置一人中興詔係嘉祐以前員闕并萬戶處存留餘並罷簿在尉之上掌出納官

物銷注簿書尉掌閱習弓手戢姦禁暴國初惟千戶以上縣置令簿尉餘或以令兼簿或以簿兼令咸平後諸

縣多置簿至和增置開封祥符各一員若不置簿則以尉兼之南渡後縣不置丞者則以簿兼之自五代以來

多用軍校為縣尉大為民患太祖從趙普請以初賜第

身史系紀卷三十一  
三十九  
人充真宗詔禁縣尉非法用刑詞訴者悉歸之縣中與  
沿邊諸縣間以武臣爲尉亦或文武通差

鎮砦官

從九品

鎮置於管下人煙繁盛處設監官管火

禁或兼酒稅之事若置於險扼控禦處設砦官招收土  
軍閱習武藝凡杖以上罪並解縣餘聽決遣

廟令

丞

主簿

舊制五嶽四瀆東海南海諸廟各

置令丞廟之政令多統於本縣京朝知縣者稱管勾廟  
事或以令錄老耄者爲廟令判司簿尉爲廟簿掌葺治  
修飾之事

巡檢司

掌訓治甲兵巡邏州邑擒捕盜賊有沿邊溪

峒都巡檢或蕃漢都巡檢或數州數縣管界或一州一  
縣巡檢又有刀魚船戰棹巡檢江河淮海置捉賊巡檢  
及巡馬遞鋪巡河巡捉私茶鹽等各視其名以修舉職  
業皆掌巡邏譏察之事中興後凡沿江沿海招集水軍  
控扼要害及地方闊遠處皆置巡檢一員往來接連合  
相應援則置都巡檢總之皆以材武大小使臣充聽所  
在州縣守令節制本砦事並申取州縣指揮若海南瓊  
管及歸峽荆門等處跨連數郡控制溪峒又置水控都  
巡檢使或三州都巡檢使以增重之

監當官

掌茶鹽酒稅場務征輸及冶鑄之事諸州軍

隨事置官凡課利所入日具數以申一州

總管鈐轄司州掌總治軍旅屯戍營防守禦之政令或

一州或一路有兼兩路三路者舊制都總管以節度使

充副總管以觀察以下充或文臣知州則管勾軍馬事

舊相重臣亦為都總管有禁兵駐泊其地者以駐泊冠

之初名部署慶曆八年改為總管若鈐轄舊以朝官及

諸司使以上充官卑資淺則去都字崇寧中以蔡京言

置京畿四輔郡以知州為都總管仍兼副總管鈐轄靖

康初詔四道副總管並通文文武臣建炎分置帥府以

諸路帥臣帶都總管要郡守臣帶兵馬鈐轄次要郡帶

兵馬都監並以武臣為副稱副總管副鈐轄副都監許

宜行軍馬事辟置僚屬依帥臣法遇朝廷起兵則副

總管為帥副鈐轄都監各以兵從聽節制紹興三年要

郡次要郡守臣罷兼兵職其逐路副總管依舊格改充

路分都監各州鈐轄或省或置不一

都監 路分兵馬都監掌本路禁旅屯戍邊防訓練之

政令以肅清所部建炎紹興沿革見上其州都監以大

小使臣充掌本城屯駐兵甲訓練差使之事兼在城巡

檢資淺者為監押或雜用文臣其後止用武臣

諸軍都統制 副都統制 統制 統領 舊制出師



征討立都統制一人以總統諸將未為官稱也建炎置御營司擢王淵為都統制名官自此始既而神武五軍及川陝宣撫司都督府樞密院皆置紹興十一年三大將兵罷諸軍皆冠以御前二字擢其偏裨為御前統領官以統制御前軍馬入銜秩高者為御前諸軍都統制以屯駐州名冠軍額之上其後江陵興元建康鎮江諸府興金鄂江池諸州及平江許浦水軍皆除都統恩數略視三衙權任在帥臣右設屬有計議機宜幹辦公事準備差遣省置不一初以秩卑者稱副都統制乾道中增置副都統制一人兼領軍事其後都副鮮並除者有

江後大軍又有統制同統制副統制統領同統領副統領其下有正將準備將訓練官部將隊將等名乾道中洪邁建議禁兵罷都統制之名以復三衙舊制不果行語見前諸路又有將官始於熙寧語在兵志  
 吏人 文武諸司皆分房置吏唐謂之流外銓以其未入九流者也宋沿唐制試而後補有名號者曰錄事中門下省曰主事三省樞密院正八品曰守闕主事同上曰令史同上曰書令史同上曰守闕書令史樞密院正九品曰守當官曰守闕守當官曰都事尚書省正八品曰副承旨樞密院從八品曰正名曰私名曰貼司曰典書曰楷書曰貼書曰法司曰孔目官曰關

折官曰勾押官曰驅使官曰胥史曰胥長曰胥佐曰府  
史累朝員額有增省熙寧以前樞密院吏遞遷都承旨  
蔡京爲相堂吏遷至中奉大夫或換防禦按察使王黼  
爲相擢曹州胥吏至承宣使詳見選舉志

宋史新編卷三十九

宋史新編卷三十九

志二十五

明南京工部主事莆田柯維騏編

職官 四

文散官二十九

開府儀同三司

特進

光祿大夫

金紫光祿大夫

銀青光祿大夫

正奉大夫舊名正議太平  
興國元年改

中奉大夫

太中大夫

中大夫

中散大夫

朝奉大夫

舊名通議太平  
興國元年改朝散大夫

宋史新編卷三十九

朝請大夫

朝奉郎

舊名通議太平興國元年改

承直郎

舊名承議太平興國元年改

奉直郎

舊名奉議太平興國元年改

通直郎

舊名宣議太平興國元年改

朝請郎

宣德郎

朝散郎

宣奉郎

給事郎

承事郎

承奉郎

承務郎

儒林郎

登仕郎

文林郎

將仕郎

武散官三十一

大將軍

輔國大將軍

鎮國大將軍

冠軍大將軍

懷化大將軍

雲麾將軍

歸德將軍

忠武將軍

壯武將軍

宣威將軍

明威將軍

定遠將軍

寧遠將軍

游騎將軍

游擊將軍

昭武校尉

昭武副尉

振威校尉

振威副尉

致果校尉

致果副尉

翊麾校尉

翊麾副尉

宣節校尉

宣節副尉

禦武校尉

禦武副尉

仁勇校尉

仁勇副尉

陪戎校尉

陪戎副尉

凡一品以下常參者謂之朝官秘書郎以下未常

參者謂之京官文朝官階上經恩加一階郎階上

京朝官加五階選人加一階武散官冠軍大將軍

使相節度使起復改授游擊將軍雖中書主事

司吏人加授亦無累加法餘不常授

元豐寄祿新格以階易官雜取唐及本朝舊制自開府

儀同三司至將仕郎定為二十四階崇寧初因刑部尚

書鄧洵武請換選人七階大觀初又增宣奉正奉中奉

奉直等階政和未又改從政修職迪功而寄祿之格備

自開府至迪功凡三十七階初元豐階官少故遷轉速

又未嘗分別流品中更元祐詳定凡階官俱分左右詞

人為左餘人為右紹聖斷自朝請大夫以上分左右餘

並罷紹興復依元祐之制至淳熙始並去左右字三十

七階如故

新官

舊官

開府儀同三司

使相

特進

左右僕射

金紫光祿大夫

吏部尚書

銀青光祿大夫

五曹尚書

光祿大夫

左右丞

宣奉大夫

大觀改左光祿為宣奉

正奉大夫

大觀改右光祿為正奉

正議大夫

六曹侍郎

通奉大夫

大觀改右正議為通奉

通議大夫

給事中

大中大夫

神宗以太中大夫為宰相官

左右諫議大夫

中大夫

祕書監

中奉大夫

大觀改左中散為中奉

中散大夫

光祿卿至少府監

朝議大夫

元祐以五十員為額

太常卿少卿左右司郎中

奉直大夫

大觀改右朝議為奉直

朝請大夫

前行郎中

朝散大夫

中行郎中

朝奉大夫

後行郎中

朝請郎

前行員外郎侍御史

朝散郎

中行員外郎起居舍人

朝奉郎

後行員外郎左右司諫

承議郎

左右正言太常國子博士

奉議郎

太常祕書殿中丞著作郎

通直郎

太子中允贊善大夫洗馬

宣敎郎

元豐本宣德政和避宣德門改

著作佐郎大理寺丞

宣義郎

光祿衛尉寺將作監丞

承事郎

大理寺評事

承奉郎

太祝奉禮郎

承務郎

校書郎正字將作監主簿

承直郎

留守節察判官

儒林郎

節察掌書記支使防團判官

文林郎

留守節察推官軍監判官

從事郎

承直至此四階並崇寧初換

防團推官監判官

從政郎

崇寧通仕政和再換

錄事參軍縣令

脩職郎

崇寧登仕政和再換

知錄事參軍知縣令

迪功郎

崇寧將仕政和再換

軍巡判官司理司法司戶生簿尉

武選舊制內客省至閤門使副為橫班自皇城至供備庫使為諸司正使其副為諸司副使內殿承制內殿崇

班爲大使臣東頭供奉官至三班借職爲小使臣元豐未及更政和二年乃詔易以新名正使爲大夫副使爲郎橫行十二階使副亦然六年又增置宣正履正協忠翊衛親衛大夫郎凡十階通爲橫班太尉本秦主兵官特以爲武階之首自太尉至下班祇應凡五十二階國初以來內客省使未嘗除人旣易武階不遷通侍浴初意也正侍以下郎居大夫上議者以爲非序紹興乃釐正以大夫居郎上下班祇應之上增進武校尉進義校尉其下增進武副尉進義副尉守闕進義副尉進勇副尉守闕進勇副尉

新官

舊官

太尉

通侍大夫

內客省使

正侍大夫

延福宮使

宣正大夫

履正大夫

協忠大夫

中侍大夫

景福殿使

中亮大夫

客省使

中衛大夫

引進使

翊衛大夫

親衛大夫

左武大夫

右武大夫

正侍郎

宣正郎

履正郎

協忠郎

中侍郎

中亮郎

東上閣門使

西上閣門使

客省副使

引進副使

中衛郎

翊衛郎

拱衛郎

左武郎

右武郎

武功大夫

武德大夫

武顯大夫

武節大夫

武略大夫

東上閣門副使

西上閣門副使

皇城使

宮苑左右騏驎內藏庫使

左藏庫東西作坊使

莊宅六宅文思使

內園洛苑如京崇儀使



武經大夫

西京左藏庫使

武義大夫

西京作坊東西染院使

武翼大夫

供備庫使

武功郎

皇城副使

武德郎

宮苑左右驥驥內藏庫副使

武顯郎

左藏庫東西作坊副使

武節郎

莊宅六宅文思副使

武略郎

內園洛苑如京崇儀副使

武經郎

西京左藏庫副使

武義郎

西京作坊東西染院禮賓副使

武翼郎

供備庫副使

敦武郎

內殿承制

脩武郎

內殿崇班

從義郎

東頭供奉官

秉義郎

西頭供奉官

忠訓郎

左侍禁

忠翊郎

右侍禁

成忠郎

左班殿直

保義郎

右班殿直

承節郎

三班奉職

承信郎

三班借職

下班祇應

殿侍

內侍階十有二唐制宦者階官與文臣同宋制別置階官不欲溷也神宗嘗曰祖宗為此名有深意豈可輕改政和二年遂改焉紹興以後皆仍其制

新官

舊官

供奉官

內東頭供奉官

殿侍

內西頭供奉官

殿侍禁

殿頭

左班殿直

高品

右班殿直

高班

黃門

黃門

祇候侍禁

祇候殿頭

祇候殿直

祇候高品

祇候黃門

祇候高班高品

內品

祇候內品

貼祇候內品

已上三名仍舊不改

醫官階十有四政和二年更定其後續增曰翰林醫官翰林醫效翰林醫痊俱從七品翰林醫愈翰林醫證翰林醫

宋史新編卷三十九  
九  
診翰林醫候俱從八品翰林醫學從九品紹興以後皆仍其制  
但員額存十之一云

新官

舊官

和安成和成安大夫  
成全大夫

從六品  
正七品

軍器庫使

保和大夫

西綾錦使

保安大夫

權易使

翰林良醫

已上俱  
正七品

翰林醫官使

和安成和成安成全郎

軍器庫副使

保和郎

西綾錦副使

保安郎

已上俱  
從七品

權易副使

翰林醫官正

翰林醫官副使

凡除職事官以寄祿官品為差高一品已上為行  
下一品為守下二品已下為試品同則否元祐裁  
減冗費職事官帶行者第存虛名至紹聖遂復元  
豐舊制崇寧中吏部授選人差遣亦用資序為差  
分行守試二等政和中詔選人在京職事官依舊  
制帶行守試外任則否宣和以後官高仍舊職者  
謂之領官卑職高者謂之視故有庶官視從官執  
政執政視宰相凡道官亦視文階云

爵一十二

宋史新編卷三十九

王 正一品 嗣王 從一品 郡王 從二品

國公 從一品 郡公 正二品 開國公 正二品

開國郡公 正二品 開國縣公 從二品 開國侯 從三品

開國伯 正四品 開國子 正五品 開國男 從五品

凡皇子兄弟封國謂之親王親王之子承嫡者為  
嗣王宗室近親承襲特旨者封郡王遇恩及宗室  
祖宗後承襲及特旨者封國公餘宗室近親並封  
郡公凡皇屬特封郡公縣公或贈侯者無開國字  
若開國公侯伯子男皆隨食邑二千戶已上封公  
一千戶已上封侯七百戶已上封伯五百戶已上

封子二百戶已上封男嗣王開國郡公縣公後不  
封若乃太宗賜諸州民高年者真宗賜福建民禽  
盜者皆爵公士斯又采秦制也

勳一十二

上柱國 正二品 柱國 從二品 上護軍 正三品

護軍 從三品 上輕車都尉 正四品 輕車都尉 從四品

上騎都尉 正五品 騎都尉 從五品 驍騎尉 正六品

飛騎尉 從六品 雲騎尉 正七品 武騎尉 從七品

騎都尉至上柱國兩府并武臣正任已上經恩加  
兩轉文武朝官加一轉武騎尉已上京官加一轉

朝官雖未至驍騎尉經恩亦加騎都尉政和罷勳  
官淳熙末欲復不果惟安南闍婆三國王始封加  
上柱國南丹州刺史加武騎尉焉

功臣

推忠 佐理 協謀 同德

守正 亮節 翊戴 贊治

崇仁 保運 經邦

右賜中書樞密臣僚宰初賜六字餘官四字次加並兩字

推忠 保德 翊戴 守正

亮節 同德 佐運 崇仁

保節 贊治 宣德 純誠

保順 忠亮 竭誠

奉化 效順 順化

右賜皇子皇親文武臣僚外臣初賜四字次加兩字

拱衛 翊衛 衛聖 保順

忠勇 拱極 護聖 奉慶

果毅 肅衛

右賜諸班直將士禁軍初賜兩字次加如之

按功臣號咸平中楊億曾請削罷不果熙寧中神  
宗却徽號曰正如卿等功臣何補名實宰臣吳充

及羣臣先後請罷遂不復賜中興後加賜者韓世忠張俊劉光世三人此外惟安南國王兩已

檢校官一十九

太師

太尉

太傅

太保

司徒

司空

左僕射

右僕射

吏部尚書

兵部尚書

戶部尚書

刑部尚書

禮部尚書

工部尚書

左散騎常侍

右散騎常侍

太子賓客

國子祭酒

水部員外郎

右皇子初授官加太尉初授樞密使使相及曾行  
率樞密使除節度使加太傅初除宣徽節度加  
太保宗室初除使相加尚書左僕射特授并換授  
諸司使已上加工部尚書諸司副使加右散騎常  
侍除通事舍人內殿崇班已上初授加太子賓客  
副率已上并三班及吏職蕃官軍員該恩加國子  
祭酒四廂都指揮使止於司徒諸軍都指揮使忠  
佐馬步都軍頭止於司空軍班都虞候忠佐副都  
軍頭已上止於左右僕射諸軍指揮使止於吏部  
尚書其官止遇恩則或加階爵功臣元豐改官制

武臣承宣使以下皆罷惟存檢校三公三師政和後改三公之名以太尉冠武階武臣累加至檢校少師則拜太尉文臣累加檢校少師則拜開府儀同三司安南國王初襲封加檢校太尉經恩遷檢校太師外蕃刺史州則檢校太子賓客此外皆不帶云

憲官四

御史大夫

侍御史

殿中侍御史

監察御史

右通事舍人內殿崇班已上初除加兼御史大夫

宗室副率已上初授軍頭等經恩加兼監察御史餘經恩以次遷入此武臣檢校兼官也

試秩六

大理司直

大理評事

秘書省校書郎

正字

寺監主簿

助教

右幕職初授則試秘書省校書郎再任至兩使推官則試大理評事掌書記支使防禦團練判官則試大理司直評事又加則兼監察御史亦有解褐試大理評事校書郎正字寺監主簿助教者亦有試官帶檢校員外郎已上者

賜六

劔復上殿

詔書不名

贊拜不名

入朝不趨

紫金魚袋

緋魚袋

右升朝官該恩著綠二十周年賜緋魚袋著緋

二十周年賜紫金魚袋特旨者係臨時指揮

食邑

一萬戶

八千戶

七千戶

六千戶

五千戶

四千戶

三千戶

二千戶

一千戶

七百戶

五百戶

四百戶

三百戶

二百戶

右宰相親王樞密使經恩加一千戶兩府使相

度使七百戶宣徽三司使觀文殿大學士以下至

直學士文臣侍郎武臣觀察使宗室正任以上皇

子上將軍駙馬都尉加五百戶宗室大將軍已上

加四百戶知制誥待制并文臣少卿監武臣諸司

副使宗室副率以上并承制崇班軍員等初該恩

加三百戶承制崇班軍員再該恩二百戶三千戶

以上雖有加例緣無定法親王重臣特加有至萬

戶者

食實封



一千戶 八百戶 五百戶 四百戶  
三百戶 二百戶 一百戶

右宰臣親王樞密使經恩加四百戶兩府使相節  
度宣徽使皇子上將軍并宗室駙馬都尉任觀察  
使已上加三百戶觀文殿學士并宗室正任已上  
騎都尉加二百戶武臣崇班宗室副率已上加一  
百戶五百戶已上雖有加例緣無定法親王重臣  
有特加至數千戶者

兼使職

凡皇帝親行大祀有大禮使禮儀使儀仗使鹵簿使

橋道使頓遞使經始大禮有經度制置使巡幸有御

營使行宮使有都部署都監京師居留有大內都部

署皇城都點檢巡檢及增新舊巡檢大閱亦置征行有招

安使捉賊使排陣使先鋒使策應使有部署鈐親征

則冠以駕前之號加禮外國有國信接伴送伴使有

翻譯經潤文使伸冤濫有理檢使課農桑有勸農使

又有修宮使山陵使已上使名以文武大臣或侍從

禁衛兼領事畢即停餘不能悉紀

封贈

封爵有九等爲名十一 二語見前 命婦一品有五

曰貴妃淑妃德妃賢妃曰六儀其儀淑儀淑容順儀  
順容婉儀婉容昭儀昭容昭媛作儀脩容脩媛充儀  
充容充媛曰婕妤曰美人曰才人貴人內外命婦之  
號十有四曰大長公主曰長公主曰公主曰郡主曰  
縣主曰國夫人曰郡夫人曰淑人曰碩人曰令人曰  
恭人曰宜人曰安人曰孺人皆司封掌其事封贈之  
制太皇太后皇太后皇后及諸妃三代婕妤二代貴  
人一代三公宰臣執政節度使三代金紫銀青光祿  
大夫二代餘官一代建隆中詔詳定文武臣僚母  
封號太皇太后皇后曾祖母祖母母母並封

太夫人曾祖母祖母母母並封郡太夫人婕妤祖  
母母並封郡太君貴人母封縣太君三公三師宰相  
使相王侍中中書令曾祖母祖母母母並封國太夫人  
妻國夫人樞密使副知院同知參知政事宣徽節度  
使曾祖母祖母母並封郡太夫人妻郡夫人簽書樞  
密院事曾祖母祖母母並封郡太君妻郡君同知樞  
密院以上至樞密使參知政事再經恩及再除者如  
宰相例三司使祖母母並封郡太君妻郡君東宮三  
太下至文武二品母封郡太夫人妻郡夫人其次母  
封郡太君妻郡君又其次母封縣太君妻縣君致仕

同見任亡母及亡祖母當封者亦如之父亡無嫡母  
繼母者聽封所生母伎術官不得敘封咸平四年從  
舍人院詳定羣臣母妻所封郡縣依本姓望封元祐  
二年詔所生母未封不得先及其妻政和二年詔封  
母則隨所封五等應婦人不因夫子得封號謂命官  
而母年九十以上或士庶人婦或因子孫得封贈其  
女年百歲并特旨若回婚者或因子孫得封贈其  
夫至升朝或非升朝應封贈者並孺人按宋制凡追  
封不得至王爵若皇后之祖父及文武臣僚功隆位  
極係出特恩又舊制無有推恩伯叔父母若本生父  
母者王曾為參知政事自言幼孤叔父太子中舍宗

元叔母嚴氏撫育之詔贈元工部員外郎嚴氏懷  
縣太君歐陽修少孤叔父教之學既貴乞一官回贈  
以報其德乃自員外郎贈郎中李昉本生父超母  
及再相因郊祀乞覃恩太宗許之贈超太子太師謝  
氏鄭國太夫人皆曠典也

宮觀

宋設祠祿之官以佚老優賢者內外之別內則醴泉觀  
集禧觀佑神觀萬壽觀中太一宮之類是也以前宰相  
見任使相充使次充提舉餘則為提點為主管皆隨官  
之高下處之外祠選人則為監獄廟非自陳而朝廷特

除者如降黜例其初員數絕少熙寧乃增置時方經理  
時政患疲老不任事者欲悉罷之乃使任宮觀食其祿  
王安石亦欲以此處異議者遂詔宮觀母限員以三十  
月爲任又詔杭州洞霄宮亳州明道宮白華州雲臺觀建  
州武夷觀台州崇道觀成都玉局觀建昌軍仙都觀江  
州太平觀洪州玉隆觀五嶽廟竝依高山崇福宮舒州  
靈仙觀置管幹或提舉提點官後又詔宮觀嶽廟留官  
一員餘聽如分司致仕例從便居住後又詔年六十以  
上者乃聽差母過兩任兼用執政因心例者通不得過三  
任

熙寧增廣職任

熙寧添宮觀十政和添宮觀三十

至選人亦許陳乞宣和年備用事以熙寧法革之紹興  
以來士大夫多流離困厄之餘未有闕以處之於是許  
以承務郎以上權差宮觀以一次續又有選人在部無闕  
與破格嶽廟者亦有以宰執恩例陳乞而與之者月破  
供給理爲資任初意將以撫安不調之人末乃重僥求  
泛與之弊臣僚因奏罷供給以絕干請變理任以抑僥  
倖嚴破格以去泛濫從之又郡守年及七十耄昏不堪  
牧養不肯自陳宮觀者復申明舊法著爲定令乾道初  
復詔行之

致仕

凡文武朝官內職引年以疾者多增秩從其請或加恩其子孫太祖乾德元年初自今一品致仕官曾帶平章事者每遇朝會宜綴中書門下班二年詔藩鎮帶平章求休致者亦如之太宗淳化元年詔致仕官給半俸真宗祥符加恩賜全俸仁宗明道元年詔員外郎以上致仕者錄其子校書郎三丞以上太廟齋郎二年又詔三丞以上致仕無子者聽官其嫡孫若弟姪一人降一等景祐三年詔給俸如分司官長吏歲時勞賜語在本紀是時侍御史知雜事司馬池言文武官年七十以上不自請致仕者許御史臺糾劾以聞其後監察御史臺

言亦請敕年及七十者上書自陳特優恩禮如事遂著為令皇祐中知諫院包拯吳奎亦請令御史臺檢察年七十已上移文心其請老不即自陳者直除致仕朝廷未行奎復極言以之是時言事之人競欲擊劾大臣有高年者俱不自以仁宗手詔曰老臣朕之所眷禮也進退體貌恩意豈小有異哉凡嘗預政事之臣自今母或遽求引去臺諫言勿以為言其優禮大臣又如此熙寧四年以端明殿學士工尚書右丞王素為工部尚書端明殿學士致仕觀文殿學士兵部尚書歐陽修為太子少師觀文殿學士任帶職致仕自素始也初神

宋史新編卷三十九  
宗卽位舉行舊制詔內外官年七十以上直除致仕者更不與子孫推恩後孝宗亦詔年七十又請致仕者遇郊母得蔭補自是以後執政在謫籍者陳乞致仕雖許敘復悉寢罷恩澤云

奉祿

文武官奉錢使相節度使月四百千宰相樞密使三百千差至一千又有祿粟使相月二百石節度使一百五十石宰相樞密使一百石差至一石又有從人節度使至正任刺史曰元隨宰執三公三少太尉曰隨身其餘廉人元隨隨身給衣糧廉人給餐錢使相節度使百

人宰相樞密使七十人差至一人此外又給春冬衣各有差按前代官奉或全給實錢或半給或於半給三分之一給他物宋初約後唐所定半給實錢乾德四年依漢乾祐置州縣官奉戶開寶五年罷大中祥符五年文武官竝增奉乾興以後更革爲多至嘉祐始著祿令元豐新官制職事官職錢以寄祿官高下分行守試三等御史大夫六曹尚書行六千守五千試五千千下至律學正行十六千守十五千試十四千大率官以祿令爲準而在京官司供給之數皆併爲職錢如大夫爲郎官旣請大夫奉又給郎官職錢視嘉祐爲優矣至

崇寧間蔡京秉政於奉錢職錢外復增供給食料等錢如京僕射奉外又請司空奉廉從錢未並支本色餘執政皆然視元豐又倍優矣南渡以後參用嘉祐元豐政和之制少所增損惟兵興之始宰執請受權支三分之一或三分之二或支賜其半隆興開禧自陳損半支給皆權宜也其後內外官有添支料錢職事官有職錢廚食錢職纂修者有折食錢在京釐務官有添支錢添支米選人使臣職田不及者有茶湯錢其餘祿粟廉人悉如舊制

職田

以前有職田卽周圭田遺意也五代以來遂廢歲中申定其制只給外官其田以官莊及遠年逃亡田充悉免租稅天聖中仁宗患職田有無不均吏或多取以病民詔罷天下職田悉以歲入租課送官具數上三司計直而均給之朝廷方議措置未下仁宗閱其獄見吏以賄收者多惻然傷之詔復給職田至慶曆中詔限職田有司始申定其數有差自此人有定制士有定限吏以職田抵罪者視昔爲庶幾焉至熙寧間復詔詳定凡知大藩府二十頃節領十五頃餘州軍並十頃小軍監七頃其縣令府僚諸幕職丞簿縣教授監當等官六頃

五頃四頃三頃二頃有差元符三年朝散郎杜子民奏  
職田之法每患不均神宗首變兩川之法均給上下一  
路使之元祐中推廣此意以限月之法變而均給士大  
夫貧富者或窮日之力以赴期會或交書請屬以俸權  
攝奔競之風長廉恥之節喪乞復元豐均給之法以養  
士廉節從之

均田法

二十九



